

EREMUAK

Deialdi jarraitua.

Parte hartzeko baldintzak

Deialdian parte hartzeko oinarriak

eremuak-ek elikatzen dituen sentiberatasun sistemikoa eta izaera irekia direla eta, ulertzekoa da tokiko testuingurua garatzeak testuinguru globaletan sartzea ere badakarrela. Horregatik, eremuak **Euskal Herrian, Euskal Herriari buruz edota Euskal Herrirako egindako proposamenei zabalik dago**, eta proposamen horiek Euskal Herritik, Estatutik edota nazioartetik etorritako pertsona nahiz taldeek egin ahal izango dituzte.

Parte hartzeko baldintzak

Batzordeak deialdira aurkeztutako proposamen guztiak aztertu eta sailkatuko ditu, honako **baldintza**

hauekin bat badatoz, betiere:

1. Aukeratutako proposamenak gauzatzeko baldintzak eta xehetasunak kontratu bidez hitzartuko dira, banan-banan; alegia, ez dute zertan izan proposamen guztientzat baldintza berak, proposamen bakoitzaren ezaugarrien eta premien arabekoak baizik. Baldintzak zehaztutakoan, atal honen kudeaketa orokorra Centro Azkuna de Ocio y Cultura S.A.-ren bitartez egingo da; hura arduratuko da harremanetan jartzeaz, ordainketez, dokumentazio eskariez, egutegia betetzeaz eta koordinazio orokorraz.

2. Hautaketa irizpideak:

Helburu nagusia programa ireki baten bidez **testuinguru garaikideko produkzioa sustatzea** izanik, proposamenak hautatzeko irizpideak Lan Batzordeak finka ditzakeen balizko loturetatik ondorioztatuko dira, obren interesaren eta egokitasunaren arabera, ikerketaildoen arabera, edo egileek aurkeztutako beste proposamen batzuekiko loturaren arabera.

eremuak-ek atek ireki die **produkzio artistikoaren inguruan testuinguruak sortzeko proposamenei**. Nahiz eta obra-produkzioko proposamenak (proiektu zehatzak, aurkezpenak, argitalpenak ...) aurkeztu ahal izango diren, **ezinbestekoa izango da proposamenak testuinguruan eragina eta oihartzuna izatea**, adibidez, **lana jende aurrean erakustea edo aurkeztea eta hori euskal testuinguruan gizarteratzea**. Berdin dio proposamena Euskal Herrian sorturikoa eta garaturikoa den ala ez. Hori horrela, proposamenetan obraren gauzapena eta berariazko aurkezpen-baldintzak (kokapena edo zer egoitzatan egongo den ikusgai, egutegia, etab) aurreikusi beharko dira.

3. Batzordearen erabakiak apelaezinak izango dira. Era berean, Batzordeak eskumena dauka esleipenak biltzeko, zatitzeko edo birbanatzeko, proposamenen interesak, exekuzio aurrekontuak, partaidetza urriak edo beste edozein arrazoi adierazgarri hala eskatuz gero.

4. Aukeratutako egileei Batzordearekin elkarrizketa izatea eskatu ahal izango zaie, beharrezkoa irizten bazaio.

5. eremuak programak ez du alde aurreko sailkapenik kontuan hartuko; beraz, ez dago arte garaikidea osatzen duten jardueri buruzko murrizketarik edo lehentasunik. Batzordeari dagokio bere aukeretan gure lurraldeko arte garaikidearen produkzio eta proposamen moldeak islatzea.

6. eremuak-ek egileekin duen konpromiso bakarra Batzordeak hautatutako proposamen bakoitzari esleitutako aurrekontua ematea da, kasu bakoitzean adostutako baldintzen arabera.

7. Proposamenak Batzordearekin adosturiko epeen barruan amaitu beharko dira. **Proiektua garatzeko eta amaitzeko epea gehienez 2 urtekoa** izango da, dagokion etengabeko

deialdiaren erabakian proiektua aukeratu dela jakitera ematen denetik hasita.

8. Hautatutako proposamen guztiak indarrean dauden zerga betebeharren mende egongo dira.

Eskaerek bete beharreko baldintzak

Proposamenak aurkezteko, honako hauek aurkeztu beharko dira, betiere:

- Izena emateko orria, datu guztiak behar bezala beteta.
- NANaren, pasaportearen, IFKaren edo beste zeinahi egiaztagiriren fotokopia
- Curriculum
- Aurkeztutako proposamenaren argumentazioaren txosten labur bat.
- Gastuen eta diru sarreraren aurrekontua (ordainsarien gastuak ere kontuan har daitezke), ahalik xehatuena; eta finantzaketa plana, halakorik behar izanez gero. Proiektua aukeratuz gero, Batzordeak aurrekontua alda dezake egoki iritziz gero, egileen oniritziarekin.
- eremuak-en deialdi jarraitura aurkeztutako proiektu horrekin eskatu diren, eskatuko diren (diru-sarrera horiek jasoko diren edo ez jakinaren gainean egonda ere) edo jaso diren laguntzen gaineko informazioa.

Proposamena aintzat hartzeko ezinbesteko eta nahitaezko dokumentazioa da hori guztia, eta, hala, deialdira aurkezten direnek zorrotz bete beharko dute oinarrietan adierazitakoa.

Ezinbesteko dokumentazioaren ezein alderdi osatzeko, azaltzeko edo zehazteko dokumentazio gehigarria ere aurkez daiteke nahi izanez gero. Dokumentazio hori argibideetarako edo informazio osagarria eskuratzeko lagungarria gerta dakioko Batzordeari, baina Batzordeak ez du informazio hori aztertzeko derrigortasunik izango. PDF dokumentuak, WEB estekak, sareko aurkezpen bideoak, soinu dokumentuak eta abar aurkez daitezke dokumentazio gehigarri modura.

Dokumentazio hori guztia euskarri informatikoan bidali beharko da, eta egiaztatzeko

dokumentazioa PDF fitxategi-formatuan, www.ereмуak.net/eu/erregistroa webguneko online inprimakiaren bidez.

Webguneko online inprimakia bete ahal izateko, aurretik, erabiltzaile bezala [erregistratu](#) egin behar duzu

ereмуak programak harremanetarako helbide bat du (ereмуak@ereмуak.net), prozesu honi buruzko galderei erantzuteko.

ereмуak-en deialdira aurkezteak baldintza hauek onartzea dakar berekin.